

禮

記

箋

禮記箋

王制第五

王者之制祿爵公侯伯子男凡五等諸侯之上大夫卿

下大夫上士中士下士凡五等

二五象五行剛柔十日祿所受食爵秩次也上

大夫曰卿。方氏苞曰侯國不設中大夫何也王朝六官之貳及官中要職皆中大夫故侯國小司徒小司寇之類必爵以下大夫乃與王朝有別舊說五大夫於經傳無徵

天子之田方千里

象日月之大亦取暑同也此謂縣內以祿公卿大夫元士。暑日影也鄭

注司徒云凡日景於地千里而差一寸是千里同一寸也

公侯田方百里伯七十里

子男五十里不能五十里者不合於天子附於諸侯曰

附庸天子之三公之田視公侯天子之卿視伯天子之

大夫視子男天子之元士視附庸

皆象星辰之大小也

城曰附庸附庸者以國事附於大國未能以其名通也視猶比也元善也善士謂命士也此地殷所因夏爵三等之制也殷有鬼侯梅伯春秋變周之文從殷之質合伯子男以爲一則殷爵三等者公侯伯也異畿內謂之子周武王初定天下更立五等之爵增以子男而猶因殷之地以九州之界尙狹也周公攝政致太平斥大九州之界制禮成武王之意封王者之後爲公及有功臣之侯大者地方五百里其次侯四百里其次伯三百里其次子二百里其次男百里所因殷之諸侯亦以功黜陟之其不合者皆益之地爲百里焉是以周世有爵尊而國小爵卑而國大者唯天子畿內不增以祿羣臣不主爲治民○愚按注言小城曰附庸是庸與墉古字通注引公羊桓十一年傳注謂春秋變周之文從殷之質此說非也周制非孔子所得變也又云斥大九州之界

疏云先中國方三千里今方七千亦非也周公非若商  
鞅開阡陌何能斥三千里之地遽爲七千也此皆注疏  
妄說

制農田百畝百畝之分上農夫食九人其次食八人其

次食七人其次食六人下農夫食五人庶人在官者其

祿以是爲差也

農夫皆受田於公田肥墾有五等收入不同也庶人在官謂府史之屬官長所

除不命於天子國君者分或爲糞

諸侯之下士視上農夫祿足以代其

耕也中士倍下士上士倍中士下大夫倍上士卿四大

夫祿君十卿祿次國之卿三大夫祿君十卿祿小國之

卿倍大夫祿君十卿祿

此班祿尊卑之差。方氏慤曰次國小國不言大夫士者多寡

同於大國可知

次國之上卿位當大國之中中當其下下當其上大夫

小國之上卿位當大國之下卿中當其上大夫下當其

下大夫

此諸侯使卿大夫規聘並會之序也其爵位同小國在下爵異固在上耳。方氏苞曰侯國既

不立中大夫此言大國乃別有上大夫何也於下大夫之中又分上下也。愚案不言小國於次國者同次國

於大國可知

其有中士下士者數各居其上之三分

謂其爲介若特行而並會也居

猶當也此據大國而言大國之士爲上次國之士爲中  
小國之士爲下士之數國皆二十七人各三分之上九  
中九下九以位相當則次國之上士當大國之中中當  
其下小國之上士當大國之下凡非命士亦無出會之

事存秋傳謂上爲微。○愚按以上節文勢推之此中土  
下上謂次國小國之士也數謂班行之次也各居其上  
國之三分之二不言二文省耳又按方氏苞欲移此節  
於上十二十七人句下以爲二十七人中包三等之士  
故特表而出之今未敢從

凡四海之內九州州方千里州建百里之國三十七  
里之國六十五里之國百有二十凡二百一十國名  
山大澤不以封其餘以爲附庸閒田入州州二百一十

國建立也立大國三十十三公也立次國六十十六卿  
也立小國百二十十二小卿也名山大澤不以封者  
與民同財不得障管亦賦稅之而已此大界方三千里  
三三而九方千里者九也其一爲縣內餘八各立一州  
此殷制也周公制禮九州大界方七千里七七四十九  
方千里者四十有九也其一爲畿內餘四十八入州各

有方千里者六設法一州封地方五百里者不過四謂  
之大國又封方四百里者不過六又封方三百里者不  
過十一謂之次國又封方二百里者不過二二十五及餘  
方百里者謂之小國盈上四等之數并四十六一州二  
百一十國則餘方百里者百六十四也凡處地方千里  
者五方百里者五十九其餘方百里者四十一附庸地  
也。疏曰注言設法謂假設爲法非實封也。齊召南  
曰賴有此文理尚可解朱子曰恐是儒者算法其實不  
然建國必因山川形勢無  
截然可方之理眞通論哉

天子之縣內方百里之國九七十里之國二十有一五  
十里之國六十有三凡九十三國名山大澤不以盼其

餘以祿士以爲閒田

縣內夏時天子所居州界名也殷曰畿詩殷頌曰邦畿千里惟民所

止周亦曰畿畿內大國九者三公之田三爲有致仕者  
副之爲六也其餘三待封王之子弟次國二十一者卿

之田六亦爲有致仕者副之爲十二又三爲三孤之田  
其餘六亦待封王之子弟小國六十三大夫之田二十  
七亦爲有致仕者副之爲五十四其餘九亦以待封王  
之子弟一孤之田不副者以其無職佐公論道耳雖有  
致仕猶可卽而謀焉盼讀爲班

凡九州千七百七十三國天子之元士諸侯之附庸不

與不與不在數中也春秋傳云禹會諸侯於塗山執玉  
帛者萬國言執玉帛則是惟謂中國耳中國而言萬  
國則是諸侯之地有方百里有方七十里有方五十里  
者禹承堯舜而然矣要服之內地方七千里乃能容之  
夏末既衰夷狄內侵諸侯相并土地滅國數少殷湯承  
之更制中國方三千里之界亦分爲九州而建此千七  
百七十三國焉周公復唐虞之舊域分其五服爲九其  
要服之內亦方七千里而因殷諸侯之數廣其土增其  
爵耳孝經說曰周千八百諸侯布列五千里內此文改  
周之法關盛衰之中三七之間以爲說也終此說之意



五五二十五方千里者二十五其一為畿內餘二十四  
州各有方千里者三其餘諸侯之地大小則未得而聞  
○疏云此一節總明殷之畿內畿外國數之法○愚按  
注中凡遇此類亦據傳記大略推行而為言非實法也  
其引緯書又何可信

天子百里之內以共官千里之內以為御

謂此地之田稅所給也官

謂其文書財用也御謂衣食○方氏苞曰凡祭祀賓客師田皆天子所御不獨服用也

千里之外設方伯五國以為屬屬有長十國以為連連

有帥三十國以為卒卒有正二百一十國以為州州有

伯

屬連卒州猶聚也伯帥正亦長也凡長皆因賢侯為之殷之州長曰伯虞夏及周皆曰牧○方氏苞曰卒

疑萃字傳寫之誤○愚按或古字通

八州八伯五十六正百六十八帥三

百三十六長八伯各以其屬屬於天子之老二入分天

下以爲左右曰二伯老謂上公周禮曰九命作伯春秋傳曰自陝以東周公主之自陝以

西召公十之

千里之內曰甸服治田千里之外曰采其九州之內地取

稅。愚按采事也外諸侯以供王事曰流謂九州之外

爲職故謂之采注云采美物恐未然曰流也夷狄流移

或貢或不貢荒服之外三百里蠻二百里流

天子三公九卿二十七大夫八十一元士此夏制也明

氏之官百舉成數也。愚按王制之文鄭皆以爲殷法此獨據明堂位以爲夏制明堂位未必足據則云夏制

未然  
禮記王制

大國三卿皆命於天子下大夫五人上士二十七人次

國三卿二卿命於天子一卿命於其君下大夫五人上

士二十七人小國二卿皆命於其君下大夫五人上士

二十七人

命於天子者天子選用之如今詔書除吏是矣小國亦三卿一卿命於天子二卿命於其

君此文似誤脫耳或者欲見畿內之國二卿與○愚按注云文有脫誤當是○方氏苞曰疏謂土統稱上對府史而言府史非士不得與士差分上下蓋此爲朝廷之士對卿遂公邑都家之士而爲上也

天子使其大夫爲三監監於方伯之國國三人

使佐方伯領諸

侯○愚按國卽州也州三人八州二十四人秦時使御史監郡卽此也

天子之縣內諸侯祿也

選賢置之於位其國之祿如諸侯不得世○方氏苞曰天子縣

內之諸侯則祿也俗讀縣字斷句誤又曰注疏以稱縣  
內決此為夏制非也縣之名肇自周官六遂中大邑也  
畿內與侯國皆有之呂不韋作月令始云合諸侯制  
百縣以百縣與諸侯相對則秦以百縣為畿內明矣外  
諸侯嗣也記曰繼世以立諸侯象賢也

制三公一命卷若有加則賜也不過九命次國之君不

過七命小國之君不過五命卷俗讀也其通則曰衮三

龍衮與王者之後同多於此則賜非命服也虞夏之制  
天子服有日月星辰周禮曰諸公之服自衮冕而下如  
服

大國之卿不過三命下卿再命小國之卿與下大夫一

命不著次國之卿者以大國之下互明之此卿命則異  
大夫皆同周禮公侯伯之卿三命其大夫再命子男

之卿再命其大夫一命

凡官民材必先論之

論謂考其德行道藝

論辨然後使之

辨謂考問得其

定也易曰問以辨之

任事然後爵之

爵謂正其秩次

位定然後祿之

與之以常

爵人於朝與士共之刑人於市與眾棄之

必共之者所以審慎之也

書曰克明德慎罰

是故公家不畜刑人大夫弗養士遇之塗弗

與言也屏之四方唯其所之不及以政示弗故生也

屏猶

放去也已施刑則放之棄之役賦不與亦不授之以田困乏又無賙餼也虞書曰五流有宅五宅三居是也周則墨者使守門劓者使守闕宮者使守內刖者使守圜髡者使守積。愚按有宅鄭注尚書音知嫁反懲艾也

下肅讀如字是也

諸侯之於天子也比年一小聘三年一大聘五年一朝

比年每歲也小聘使大夫大聘使卿朝則君自行然此

大聘與朝晉文霸時所制也虞夏之制諸侯歲朝周之

制侯甸男采衛要服六天子五年一巡守天子以海內

者各以其服數來朝天子五年一巡守為家時一巡

省之五年者虞夏之制也周則十二歲一巡守

歲二月東巡守至于岱宗岱宗東嶽柴而望祀山川柴祭天告至也

覲諸侯覲見也問百年者就見之就見老人命大師陳詩以觀

民風陳詩謂采其詩而視之命市納賈以觀民之所好惡志淫好

辟市典市者賈謂物貴賤厚薄也質則用物貴命典禮淫則侈物貴民之志淫邪則其所好者不正

考時月定日同律禮樂制度衣服正之

同陰律也。愚按律為萬事根

本故居禮樂制度之上

山川神祇有不舉者為不敬不

敬者君削以地

舉猶祭也

宗廟有不順者為不孝不孝者君

紂以爵

不順者謂若逆昭穆

變禮易樂者為不從不從者君流

流放

也革制度衣服者為畔畔者君討

討誅也

有功德於民者

加地進律

律法也。愚按律法則也周禮六命賜則應氏以律為爵命之等恐非

五月南

巡守至于南嶽如東巡守之禮八月西巡守至于西嶽

如南巡守之禮十有一月北巡守至于北嶽如西巡守

之禮歸假于祖禰用特

假至也特特牛也祖下及禰皆一牛

天子將出類乎上帝宜乎社造乎禰諸侯將出宜乎社

造乎禰

帝謂五德之帝所祭於南郊者類宜造皆祭名其禮亡○愚按帝即天也注云五德之帝據緯

書為說非也類上帝告天也宜社告地也

天子無事與諸侯相見曰朝

事謂征伐

考禮正刑一德以尊

于天子天子賜諸侯樂則以祝將之賜伯子男樂則以

鬯將之

將謂執以致命祝鬯皆所以節樂

諸侯賜弓矢然後征賜鈇鉞

然後殺賜圭瓚然後為鬯未賜圭瓚則資鬯於天子

得其

器乃敢為其事圭瓚鬯舊也鬯秬酒也

天子命之敎然後為學小學在公宮南之左大學在郊



學所以學士之宮尙書傳曰百里之國二十里之郊七  
十里之國九里之郊五十里之國三里之郊此小學大  
學殷天子曰辟廱諸侯曰類宮尊卑學異名辟明也廱  
和也所以明和天下類  
之言班也所  
以班政教也

天子將出征類乎上帝宜乎社造乎禘禘於所征之地

禘師祭也爲兵  
禱其禮亦亡受命於祖告祖受成於學定兵出征執

有罪反釋奠于學以訊馘告釋菜奠幣禮先師也訊馘  
所生獲斷耳者詩曰執訊

獲魄又曰在類獻馘馘或爲國○愚按此節及辟廱類  
宮等名卽據詩大雅魯頌爲說他書實無所見而自魯  
外諸侯學亦無名類  
宮者戴震深不信之

天子諸侯無事則歲三田一爲乾豆二爲賓客三爲充

君之庖

三田者夏不田蓋夏時也周禮春日蒐夏日苗

庖今之廚也

○恩按三田即為下三事而田鄭無事而

釋廢疾云爾此注後據公羊家緯書而為說

不田曰不敬田不以禮曰暴天物

不敬者簡祭

合圍諸侯不掩羣

為盡物也

天子殺則下大綏諸侯殺則下

小綏

綏當為綏綏有虞氏之旌旗也下謂弊之

大夫殺則止佐車佐車止則

百姓田獵

佐車驅逆之車

獺祭魚然後虞人入澤梁豺祭獸然

後田獵鳩化為鷹然後設罝羅草木零落然後入山林

昆蟲未蟄不以火田

取物必順時候也梁絕水取魚者罝小網也昆蟲也明蟲者得陽而

生得陰而藏

不麝不卵不殺胎不灰天

重傷未成物灰不覆斷殺少長曰天

巢覆敗也

冢宰制國用必於歲之杪五穀皆入然後制國用制國用如

今度支經用地小大視年之豐耗小國大國豐凶之年各以歲之收入制其

用多少多不過禮少有所殺愚按小大猶多寡也以三十年之通制國用量入

以為出通三十年之率當有九年之畜出謂所當給為祭用數之算今年一年之

數用其喪三年不祭唯祭天地社稷為越紼而行事不

什一以卑廢尊越猶喪用三年之喪大事用三喪祭用不

足曰暴有餘曰浩暴猶耗也浩猶饒也祭豐年不奢凶年不儉常

數之用國無九年之蓄曰不足無六年之蓄曰急無三年

之蓄曰國非其國也三年耕必有一年之食九年耕必

有三年之食以三十年之通雖有凶旱水溢民無菜色

然後天子食曰舉以樂

菜色食菜之色民無食菜之飢色天子乃日舉以樂侑食。王

肅云二十七年當有九年之蓄言三十者舉全數

天子七日而殯七月而葬諸侯五日而殯五月而葬大

夫士庶人三日而殯三月而葬

尊者舒卑者速春秋傳曰天子七月而葬同軌

畢至諸侯五月同盟至大夫

三年之喪自天子達

下通庶人

於父母同天

庶人縣封葬不爲雨止不封不樹喪不貳

子諸侯降期

事縣封當爲縣窆縣窆者至卑不得引綈下棺雖雨猶

葬以其禮儀少封謂聚土爲墳不封之不樹之又爲

王制

至卑無飾也周禮曰以爵等爲三封之度與其樹數則  
士以上乃皆封樹貳之言二也庶人終喪無二事不使  
從政也喪大記曰大夫士既葬公政入於家既卒哭弁  
經帶金革之事無辟也。方氏苞曰庶人無雨具疑或  
爲雨止故特明之貴者不必言也鄭任翰曰庶人分  
微禮簡雖雨可以集事貴者禮事重大不嫌更舉  
天子達於庶人喪從死者祭從生者支子不祭  
棺槨從生者謂  
奠祭之牲器  
謂從死者  
謂衣衾

天子七廟三昭三穆與太祖之廟而七

此周制七者大  
祖及文王武王

之祧與親廟四大祖后稷殷則六廟契及湯與二昭二  
穆夏則五廟無大祖禹與二昭二穆而已。愚按殷六  
廟夏五廟說本緯書未可據信其云文王武王爲二祧  
亦不合王肅云天子七廟謂高祖之父及高祖之祖廟  
爲二祧并始祖及親廟四爲七又云周之文武受命之  
王不遷之廟構禮所施非常廟之數殷之三宗宗其德

而存其廟亦不以爲數凡七廟者皆不稱周室其說較  
鄭爲長而所云二祧亦未安祧不在七廟數中也又按  
鄭以七廟獨周制此據韋元成議劉歆  
馬融王肅以爲七廟天子常禮是也 諸侯五廟二昭

二穆與太祖之廟而五後不爲始封之君王者之大夫三

廟一昭一穆與太祖之廟而三曰大祖別子始爵者大傳

別子始爵者大傳曰官師者上士下士名庶人祭於寢

者亦然士一廟曰官師者上士下士名庶人祭於寢

寢適寢也。方氏也曰自適士至庶人皆得祭祖禘知

然者塲與無後者從祖祔食若庶人不得祭祖尙何祔

食之有楚語士庶人不過其祖

天子諸侯宗廟之祭春日禘夏日禘秋日嘗冬日烝此

夏殷之祭名周則改之春日祠夏日禘以禘爲殷祭詩

小雅曰禘祠烝嘗于公先王此周四時祭宗廟之名

王制

天子祭天地諸侯祭社稷大夫祭五祀五祀謂司命也中雷也門也行也厲也此祭謂大夫有地者共無地祭三耳

天子祭天下名山大川五嶽視三公四瀆視諸侯視視其牲

數之器之諸侯祭名山大川之在其地者魯人祭泰山晉人祭河是也天

子諸侯祭因國之在其地而無主後者謂所因之國先王先公有功德

宜享世祀今絕無後爲之祭主者昔夏后氏郊鯀至杞魯夏後而更郊禹晉侯夢黃熊入國而祀夏郊此其禮也

天子植籩稌植猶一也禘祫嘗祫烝之喪畢合先君之主於祖廟

而祭之謂之祫後因以爲常天子先祫而後時祭諸侯先時祭而後祫凡祫之歲春一祫而已不祫以物無成

者不殷祭周改夏祭曰禘以禘為殷祭也魯禮三年喪  
畢而禘於大祖明年春禘於羣廟自爾之後五年而再  
殷祭一禘○愚按此非三年之禘也天諸侯禘則  
于四時之祭春禘特祭禘嘗烝皆合食也

不禘禘則不嘗嘗則不烝烝則不禘虞夏之制諸侯諸

侯禘禘互明禘一禘一禘下天子也嘗禘烝禘

天子社稷皆大牢諸侯社稷皆少牢大夫士宗廟之祭

有田則祭無田則薦有田者既祭又薦新祭以首時薦

用羔所謂羔豚而祭百官皆足庶人春薦韭夏薦麥秋

薦黍冬薦稻韭以卵麥以魚黍以豚稻以鴈庶人無常

物相宜祭天地之牛角繭栗宗廟之牛角握賓客之牛



角尺握謂長諸侯無故不殺牛大夫無故不殺羊士無

故不殺犬豕庶人無故不食珍故謂祭饗

庶羞不踰牲祭以羊則不燕衣不踰祭服寢不踰廟

古者公田藉而不稅藉之言借也借民力治公田美惡

曰夏后氏五十而貢殷人七十而助市廛而不稅廛市

周人百畝而徹則所云古者謂殷時市廛而不稅物即

舍稅其舍關譏而不征禮國凶札則無門閭之征猶譏

也林麓川澤以時入而禁足也夫圭田無征夫猶治

也孟子曰卿以下必有圭田治圭田者不稅所以厚賢

也此則周禮之士田以任近郊之地稅什一。愚按夫

音扶發

語辭也

用民之力歲不過三日治宮室城郭道渠

田里不粥墓地不請皆受於公民不得私也粥賣也請求也

司空執度度地司空冬官卿掌邦事者度丈尺也居民山川沮澤時四

時觀寒煖燥溼沮謂萊沛○愚按寒煖謂四時燥溼謂山川沮澤也草所生日萊水所生日沛孟子云沛澤

多量地遠近制邑井興事任力事謂築邑廬宿市也○方氏苞曰興事任力興

民事以任其力也周官以九職任萬民皆所以盡其力凡使民任老者之事食壯

者之食寬其力饒其食

凡居民材必因天地寒煖燥溼使其材藝堪地氣也○愚按往材謂人材藝是

也盧植云能寒者使居暑廣谷大川異制謂其形象民生其閒者

王制

異俗

謂其所好惡

剛柔輕重遲速異齊

謂其性情緩急

五味異和

謂香

臭與器械異制

謂作務之用

衣服異宜

謂旃裘與絺綌

脩其教不易

其俗齊其政不易其宜

教謂禮義政謂形禁愚按注形當作刑

中國戎夷

五方之民皆有性也不可推移

地氣使之然

東方曰夷被髮

文身有不火食者矣南方曰蠻雕題交趾有不火食者

矣

雕文謂刻其肌以丹青涅之交趾足相鄉然浴則同川臥則偁不火食地氣煖不為病

西方曰

戎被髮衣皮有不粒食者矣北方曰狄衣羽毛穴居有

不粒食者矣

不粒食地氣寒少五穀

中國夷蠻戎狄皆有安居和

味宜服利用備器

其事雖異各自足

五方之民言語不通嗜欲

不同達其志通其欲東方曰寄南方曰象西方曰狄鞮  
北方曰譯皆俗閒之名攸其事類耳鞮之言知也今冀  
部有言狄鞮者。愚按鞮革履也周官鞮屨

凡居民量地以制邑度地以居民地邑民居必參相得

也得猶足也。愚按所以必參相得令無曠土游民也無曠土無游民食節事時

民咸安其居樂事勸功尊君親上然後興學立小學大學

司徒脩六禮以節民性明七教以興民德齊八政以防

淫一道德以同俗養耆老以致孝恤孤獨以逮不足上

賢以崇德簡不肖以紕惡司徒地官卿掌邦教者逮及也簡差擇也命鄉簡

不帥教者以告

帥循也不循教謂敖很不孝弟者耆老

皆朝于庠元日習射上功習鄉上齒大司徒帥國之俊

士與執事焉

將習禮以化之使之觀焉耆老致仕及鄉中老賢者朝猶會也此庠謂鄉學也鄉謂

飲酒也鄉禮春秋射國端而飲酒養老

不變命國之右鄉簡不帥教者移

之左命國之左鄉簡不帥教者移之右如初禮

中年考校而又

不變使轉徙其居觀其見新人有所化也亦復習禮於鄉學使之觀焉

不變移之郊如初

禮郊鄉界之外者也稍出遠之不變移之遂如初禮遠

後中年又為之習禮於鄉學不變屏之遠方終身

不齒

遠方九州之外齒餘錄也

命鄉論秀士升之司徒曰選士

移名於司

徒也秀士鄉大夫所考有德行道藝者。愚按秀禾之穎出者也。司徒論選士之秀者

而升之學曰俊士可使習禮者學大學升於司徒者不征於鄉升

於學者不征於司徒曰造士不征不給其繇役造成樂也能習禮則爲成士

正崇四術立四教樂正樂官之長掌國子之教虞書曰夔命女典樂教胄子崇高也高尚其

術以作教也幼者教之於小學長者教之於大學尚書傳曰年十五始入小學十八入大學。愚按術道路名也

順先王詩書禮樂以造士順此四術而教以成是士也春秋教以

禮樂冬夏教以詩書春夏陽也詩樂者聲聲亦陽也秋冬陰也書禮者事事亦陰也互言

之者皆以其術相成。方氏苞曰詩書絃誦而已禮樂則執其器習其容有進反趨走袒踊舞蹈之事非盛暑

嚴寒所宜也。王太子王子羣后之太子卿大夫元士之適子

國之俊選皆造焉

皆以四術成之王子王之庶子也羣后公及諸侯

凡入學以

齒

皆以長幼受學不用尊卑

將出學小胥大胥小樂正簡不帥教者

以告于大樂正大樂正以告于王

此所簡者謂王太子王子羣后之大夫子卿

大夫元士之適子大胥小胥皆樂官屬也出學謂九年大成學止也

王命三公九卿大夫

元士皆入學不變王親視學

亦謂使習禮以化之不變王又親爲之臨視重棄賢

者子孫此習禮皆於大學也

不變王三曰不舉

去食樂重棄人

屏之遠方西

方曰棘東方曰寄終身不齒

棘當焚焚之言偏使之偏寄於夷我不屏於南北爲

其大遠。思按棘讀如字急也困辱之寄流寓也賤者至於四不變然後屏之貴者止於二不變遂屏之從化奇難易考期有大樂正論造士之秀者以告于王而升久近所以不同

諸司馬曰進士移名於司馬司馬夏官卿掌邦政者進士可進受爵祿也。愚按進謂才德成就堪進用也。

司馬辨論官材

辨其論官其材觀其所長

論進士之賢者以告于王

而定其論

各署其所長。愚按造士曰秀論官曰賢者賢謂德行道藝具備也。周禮使民興賢出使

長之謂是也。

論定然後官之

使之試守

任官然後爵之

命之。愚按官小試

之爵尊任之

位定然後祿之大夫廢其事終身不仕死以士

禮葬之

以不任大夫也。愚按廢其事謂罷輓不勝任也。故降其爵而止。若有罪當別有處不復得以

士禮葬也。

有發則命大司徒敎士以車甲

乘兵車衣甲之儀有發謂有軍師發

卒。方氏苞曰有發則司徒敎以車甲者非徒作其武勇亦聲以禮義使知親上死長也。敎田獵以習五戎司

馬辨論官材



徒摺抹北面誓之義亦如此。愚按司徒主徵發故放士車甲司馬主嚴辨故使論官材此皆文武兼資也

凡執技論力適四方羸股肱決射御謂擐衣出其臂脛使之射御決勝負

見勇力。愚按適四方謂奔走禦侮也。又按顏氏家訓書證篇引鄭注云謂擐衣出其臂脛今書皆作擐甲之

環國子博士蕭該云環當作擐音凡執技以事上者祝

史射御醫卜及百工言技謂此七者凡執技以事上者不貳事

不移官欲專其事亦為不德出鄉不與士齒賤也於其鄉中則齒親親也仕於

家者出鄉不與士齒賤亦

司寇正刑明辟以聽獄訟司寇秋官卿掌刑者辟罪也必三刺以求民情

斷其獄訟之中一曰訊羣臣二曰訊羣吏三曰訊萬民。愚按刺采取也漢志云刺六經中作王制有旨

無簡不聽

罪簡誠也有其意無其誠者不論以爲附從重

附施刑也求

赦從重

雖是罪可重猶赦之○愚按凡制

五刑必即天論

制斷也即就也必即天論言與天意合

或爲倫○愚按論倫

郵罰麗於事

郵過也麗附也過人

不可假他以喜怒○愚接詩云不知其郵

當各附於其事

麗於事謂與所犯

凡聽五刑之訟必原父子之親立君

臣之義以權之

權平

意論輕重之序慎測淺深之量以

別之

意思念也淺深謂俱有罪本心有

悉其聰明致其

忠愛以盡之

盡其情○愚按聰明人

疑獄汜與眾共之

厭疑赦之必察小大之比以成之小大猶輕重已行故

也不敢以己成獄辭史以獄成告於正正聽之史司寇

意斷獄事於周鄉師之屬今漢有正平丞秦所置○方氏苞曰疏

云鄉師不掌獄是也然合鄉士士師而曰鄉師則辭不

當律疑注本鄉士而傳寫誤師耳蓋正掌鄉獄者鄉士

正掌遂獄者遂士也士師則與大司寇共聽者不得以

士師正以獄成告于大司寇大司寇聽之棘木之下周

為正鄉師之屬辨其獄訟異其死刑之罪而要之職聽於朝

司寇聽之朝王之外朝也左九棘孤卿大夫位焉右九

棘公侯伯子男位焉面三槐三公位焉○愚按棘木下

大司寇以獄之成告於王王命三公參聽之王使三

司寇及正其平之重刑也周禮王欲免之乃三公以獄

命公會其期○愚按參七南反謂參錯聽之三公以獄

之成告於王王三又然後制刑又當作宥宥寬也一宥

宥目遺忘○愚按又復也王恐聽不審復命凡作刑罰

二者之官如前聽之如是者三然後斷刑也

輕無赦之法雖輕不赦刑者例也例者成也一成而不可

變故君子盡心焉變更也○愚析言破律亂名改作執

左道以亂政殺析言破律巧賣法令者也亂名改作謂

及作淫聲異服奇技奇器以疑眾殺也淫聲鄭衛之屬

冠瓊弁也奇技奇器行偽而堅言偽而辯學非而博順

非而滯以疑眾殺皆謂虛華捷假於鬼神時日卜筮以

疑眾殺今時持喪葬築蓋嫁取卜此四誅者不以聽為

數文書使民倍禮違制

爲害大而凡執禁以齊眾不赦過亦爲人將易犯○方氏苞曰旣曰凡作刑

罰輕無赦又別出此條其事各異也周官士師以五禁

左右刑罰則此記所謂執禁以齊眾也過者怠慢而違禁向未麗於刑罰也各隨其輕重懲之有圭璧金璋不

無赦則習而陷於大惡者必漸少矣

粥於市命服命車不粥於市宗廟之器不粥於市犧牲

不粥於市戎器不粥於市尊物非民所宜有戎器軍器也粥賣也○惠棟古義云皇

侃以爲用金爲印章案此則璋字古本作章今從玉旁者非也用器不中度不粥於市

兵車不中度不粥於市布帛精麤不中數幅廣狹不中

量不粥於市姦色亂正色不粥於市凡以其不可用也食器也度丈尺也數升縷多少○舊說布朝服十五升斬衰三升齊衰四升布幅廣二尺二寸帛廣二尺四寸

錦文珠玉成器不粥於市衣服飲食不粥於市不示民以奢與

食也成猶善也○方氏苞曰衣五穀不時果實未熟不

粥於市不利人木不中伐不粥於市伐之非時不中用

仲夏斬陰木禽獸魚鼈不中殺不粥於市殺之非時不中用

禮春獻鼈蜃關執禁以譏禁異服識異言關竟上門

大史典禮執簡記奉諱惡簡記策書也諱先王天子齊

戒受諫歲終羣臣奏歲事諫王當所改爲也○愚按此

陳災異警滅亡之類以是教諫故天子齋戒受之○方

氏苞曰受諫即受簡記中所列之儀法所避之諱惡也

郊特牲云卜之日王親立於澤以聽誓命受教諫之義也

司會以歲之成質於天子

司會豕宰之屬掌計要者成計要也質平也平其計要

豕宰齊戒受質

贊王受之○方氏苞曰陳氏集說司會質一歲之計要於天子而先之豕宰非

也觀下文司徒司馬司空以百官之成質於天子則司會所質乃徑達於天子明矣豕宰齊戒受質者天子省之而復下於豕宰使聽決也大樂正大司寇市三官以其成從質於

天子

大樂正於周宗伯之屬市司市也於周司徒之屬從從於司會也○方氏苞曰三官以其成從質於

天子者繼司會而質非因司會而達也司徒司馬司空齊戒受質者亦復下使聽決也三官特以其成質於天子者人材之成敗刑獄之多寡百物之豐耗尤天子所當留意也陳氏又謂六官獨不言宗伯爲無可歲會亦非也司會曰歲成計要也三官及百官第曰成乃治狀非財用之計也大司徒大司馬大

司空齊戒受質百官各以其成質於三官大司徒大司

馬大司空以百官之成質於天子

百官此三官之屬○方氏苞曰此三官即

大司徒大司馬大司空也百官各以其成質於三官三官以百官之成質於天子者百官所治各有定式或其

事細微故先之三卿三卿先自聽決而後百官齊戒受

賢受不然後休老勞農之饗養成歲事斷計制國用○愚

謂蠟臘也成歲事制國用謂豕宰制國用於歲杪也

凡養老有虞氏以燕禮夏后氏以饗禮殷人以食禮周

人脩而兼用之兼用之備陰陽也凡飲養陽氣凡食養

四種天子視學養老一歲有五十養於鄉六十養於國

七十四時皆養老故鄭注云云

七十養於學達於諸侯

天子諸侯養老同也國國中



小學在國中大學在郊此殷制明矣○方氏苞曰五十  
養於鄉乃鄉遂都家公邑庶士之老也黨正縣正之類  
屬而飲食之故曰養於鄉也六十養於  
國七十養於學則朝士大夫之老也

八十拜君命一坐再至瞽亦如之九十使人受

命謂君不親饗

食必以其禮致之

五十異粢六十宿肉七十貳膳八十常珍九

十飲食不離寢膳飲從於遊可也

粢糧也貳副也遊謂出入止觀○愚按漸

老味淡而嗜美大老食少而易飢寢遊之處皆有度闔之飲食

六十歲制七十時制八

十月制九十日脩惟絞紵衾冒死而后制

絞紵衾冒一日二日而可

爲五十始衰六十非肉不飽七十非帛不煖八十非人

不煖九十雖得人不煖矣

煖溫

五十杖於家六十杖於鄉

七十杖於國八十杖於朝九十者天子欲有問焉則就

其室以珍從尊養之七十不俟朝大夫士之老者揖君則退八十月告

存每月致膳九十日有秩秩常也五十不從力政六十不與

服戎七十不與賓客之事八十齊喪之事弗及也力稍衰也

力政城道之役也與及也八十不齊則不祭也子代之祭是謂宗子不孤五十而爵賢者命為大夫

六十不親學不能備弟子禮七十致政唯衰麻為喪致政還君事

有虞氏養國老於上庠養庶老於下庠夏后氏養國老

於東序養庶老於西序殷人養國老於右學養庶老於

左學周人養國老於東膠養庶老於虞庠虞庠在國之

西郊皆學名也異者四代相變耳或上西或上東或貴

學小學也在國中王宮之東東序大學也在西郊下庠左

王宮之東西序虞庠亦小學也西序在東膠亦大學在國中

於西郊膠之言糾也庠之言養也周之小學為有虞氏

之庠制是以名庠云其立鄉學亦如之膠或作綵○疏

云庠則後有室前有堂序與庠制同○方氏苞日國老

卿大夫之老也庶老庶士之老也庶人之老及死事者

父祖則有司各就其地養之引年之政是也若並養於

學則無地以容其席位先王制禮以辨上下定民志於

學校設興臺席位而天子諸侯親與為禮非所以示民

也金鶚學制考云四郊今本作西郊非也北史劉芳

傳引作四郊祭義天子設四學注云四學周四郊之有

學也孔疏引皇氏云四郊虞庠西為四之譌明矣

虞氏皇而祭深衣而養老夏后氏收而祭燕衣而養老

殷人皐而祭縞衣而養老周人冕而祭玄衣而養老

皇冕

屬也畫羽飾焉凡冕屬其服皆玄上纁下有虞氏十二

章周九章夏殷未間凡養老之服皆其時與羣臣燕之

服有虞氏質深衣而已夏而改之尙黑而黑衣裳殷尙

白而編衣裳周則兼用之玄衣素裳其冠則牟追章甫

委貌也諸侯以天子之燕服爲朝服燕禮曰燕朝服服

是服也王者之後亦以燕服爲之魯季康子朝服以縞

僭宋之禮也天子凡三王養老皆引年已而引戶校年

皮弁以日視朝也當行復除也老

人眾多非賢八十者一子不從政九十者其家不從政

者不可皆養廢疾非人不養者一人不從政廢廢於人事父母之喪三年

不從政齊衰大功之喪三月不從政將徙於諸侯三月

不從政自諸侯來徙家期不從政自從也○愚按將徙

不從政厚其往也來徙謂自他邦來者期不

從政勸其來也周禮旅師新阡之治皆聽之

從政勸其來也周禮旅師新阡之治皆聽之

從政勸其來也周禮旅師新阡之治皆聽之

少而無父者謂之孤老而無子者謂之獨老而無妻者謂之矜老而無夫者謂之寡此四者天民之窮而無告

者也皆有常餼

餼廩也

瘠聾跛躄斷者侏儒百工各以其器食之

斷謂支節絕也侏儒短人也

也器能也

道路男子由右婦人由左車從中央

○道中三途遠別也愚按地道尊右

父之齒隨行兄之齒鴈行朋友不相踰

○廣敬也謂於塗中輕任

并重任分斑白者不提挈

皆謂以與少者雜色曰斑

君子耆老不徒行庶人耆老不徒食

徒猶空也

大夫祭器不假祭器未成不造燕器

造為也○陳氏本移此節於寢不踰

廟刊

方一里者為田九百畝

一里方三百步○愚按方里而井田九百畝每以十數相加十

里為成百里為同千里為終

方十里者為方一里者百為田九萬畝

方百里者為方十里者百為田九十億畝

億今十萬

方千里

者為方百里者百為田九萬億畝

萬億今萬萬也○疏云此經或億或萬字

相交涉遂誤為萬億鄭更不顯言其錯因此錯本萬億之言即云此經萬億者即今之萬萬皇氏以為億數不定或以十萬為億或以萬萬為億或以一萬為億此云萬億者祇是萬萬也六國時或將萬為億故云萬億但古事難悉未知孰是○陳氏注云百箇百里之方為九千億畝今乃云九萬億畝經文誤也

自恆山至於南河千里而近

冀州域

自南河至於江千里

而近

豫州域

自江至於衡山千里而遙

荊州域

自東河至於

東海千里而遙

徐州域

自東河至於西河千里而近

亦冀州域

自西河至於流沙千里而遙

雍州域

西不盡流沙南不盡

衡山東不盡東海北不盡恆山凡四海之內斷長補短

方三千里爲田八十萬億一萬億畝

九州之大計○陳氏注云按方百里

爲田九十億畝則方三千里當云八萬一千億畝如疏義亦承誤釋之也

方百里者爲田九

十億畝山陵林麓川澤溝瀆城郭宮室塗巷三分去一

其餘六十億畝

以一大國爲率其餘所以授民也山足曰麓

古者以周尺八尺爲步今以周尺六尺四寸爲步古者

百畝當今東田百四十六畝三十步古者百里當今百

二十一里六十步四尺二寸二分周尺之數未詳聞也

爲尺蓋六國時多變亂法度或言周尺八寸則步更爲

八八六十四寸以此計之古者百畝當今百五十畝

宋始出於今作木主有周尺式是也○方氏苞曰東田至

疑秦人語也春秋傳晉人使齊盡東其畝秦開阡陌必

多東畝以利戎車故漢初儒者猶相承而曰東田○案

顧炎武曰知錄三十二卷云穀梁傳古者三百步爲里

今以三百六十步爲里而尺又大於古四之一今之六

書摯虞傳將作大匠陳緹掘地得古尺尙書奏今尺長

於古尺宜以

古尺爲正



方千里者爲方百里者百封方百里者三十國其餘方  
百里者七十又封方七十里者六十爲方百里者二十  
九方十里者四十其餘方百里者四十方十里者六十  
又封方五十里者百二十爲方百里者三十其餘方百  
里者十方十里者六十名山大澤不以封其餘以爲附  
庸閒田諸侯之有功者取於閒田以祿之其有削地者

歸之閒田

○愚按此節論畿外九州建國之法

天子之縣內方千里者爲方百里者百封方百里者九  
其餘方百里者九十一又封方七十里者二十一爲方

百里者十方十里者二十九其餘方百里者八十方十里者七十一又封方五十里者六十三爲方百里者十五方十里者七十五其餘方百里者六十四方十里者九十六

○陳氏注曰此倣上章畿外之法推之可見畿內封國少而餘地少廣封建之制於天下也畿采邑之分於王朝也

諸侯之下士祿食九人中士食十八人上士食三十六人下大夫食七十二人卿食二百八十八人君食二千八百八十人次國之卿食二百一十六人君食二千一百六十人小國之卿食百四十四人君食千四百四十

人次國之卿命於其君者如小國之卿天子之大夫爲

三監監於諸侯之國者其祿視諸侯之卿其爵視次國

之君其祿取之於方伯之地方伯爲朝天子皆有湯沐

之邑於天子之縣內視元士

給齊戒自潔清之用浴用湯沐用潘

諸侯世子世國

象賢也○愚按此疑亦據衰世之法耳若聖王之世當須擇其賢否賢固世國

不賢當擇其宗族之賢者立之若概令世國而不賢卽

其國何罪故云未賜爵視天子之元士以君其國此語

殆有深意又據周禮諸侯世子有已大夫不世爵使以

誓未誓亦自不同恐不皆世國者也

大夫不世爵使以

德爵以功

謂縣內及列國諸侯爲天子大夫者不世爵而世祿辟賢也○愚按父子相繼爲一世世

祿者當祿及其子而未賜爵視天子之元士以君其國

止非謂世世勿絕也

列國及縣諸侯之大夫不世爵祿

六禮冠昏喪祭鄉相見

鄉鄉飲酒鄉射

七教父子兄弟夫婦君

臣長幼朋友賓客八政飲食衣服事爲異別度量數制

飲食爲上衣服次之事爲謂百工技藝也異別五方用器不同也度丈尺也量斗斛也數百十也制布帛幅廣狹也

禮記箋

月令第六

孟春之月日在營室昏參中旦尾中

孟長也日月之行一歲十二會聖王

因其會而分之以為大數焉觀斗所建命其四時此云  
孟春者日月會於諏訾而斗建寅之辰也凡記昏明中  
星者為人君南面而聽天下視時候以授民事○齊召  
南曰孔疏引三統元嘉二歷以證昏旦中星不同是也  
但云不與歷正同其說未暢夫月令之中星不同堯典  
猶之三統元嘉不同月令此則歲差使然唐宋以來又  
去元嘉其曰甲乙乙之言軋也日之行春東從青道發  
遠矣其曰甲乙生萬物月為之佐時萬物皆解孚甲  
自抽軋而出因以為日名焉其帝大皞其神句芒此蒼  
乙不為月名者君統臣功也其帝大皞其神句芒精之  
君木官之臣自古以來著德立功者也大其蟲鱗象物  
皞必戲氏句芒少皞氏之子曰重為木官

將解鱗龍蛇之屬○愚按似云鱗蟲其音角謂樂器之

木屬耳注云象物恐未然後竝同羽益一以生角角數六十四屬木者以其清濁中民象

也春氣和則角聲調樂記曰角亂則憂其民怨凡聲尊

卑取象五行數多者濁數少者清大不過宮律中大族

細不過羽○陳注云調樂於春以角為主律中大族

律候氣之管以銅爲之中猶應也孟春氣至則大族之

律應應謂吹灰也大族者林鍾之所生三分益一律長

八寸凡律空圍九分周語曰其數八數者五行佐天地

大族所以金奏贊陽出帶其數八生物成物之次也

易曰天一地二天三地四天五地六天七地八天九地

十而五行自水始火次之木次之金次之土爲後木生

數三成數八但言其味酸其臭羶木之臭味也凡其祀

八者舉其成數其味酸其臭羶酸羶者皆屬焉其祀

戶祭先脾春陽氣出祀之於戶內陽也祀之先祭脾者

用特牲有主有尸皆先設席於奧祀戶之禮南面設主

於戶內之西乃制脾及腎爲俎奠於主北又設盛於俎

於戶內之西乃制脾及腎爲俎奠於主北又設盛於俎

於戶內之西乃制脾及腎爲俎奠於主北又設盛於俎

於戶內之西乃制脾及腎爲俎奠於主北又設盛於俎

西祭黍稷祭肉祭醴皆三祭肉脾一腎再既祭徹之更  
陳鼎俎設饌於筵前迎尸略如祭宗廟之儀○齊召南  
曰按春祭脾夏祭肺秋祭肝皆祭其所剋季夏祭心則  
祭其所生冬祭腎則祭其所旺許慎據此篇四時所祭  
卽配五行所屬也東風解凍蟄蟲始振魚上冰獺祭魚鴻  
鴈來皆記時候也振動也夏小正正月啓蟄魚陟負冰  
先以祭也鴈自南方來將北反其居今月令鴻皆爲候  
○疏云兒記時候先言者則氣候在前後言者則氣候  
在後○案王應麟曰改啓爲驚蓋避景帝諱又案孔疏  
引漢書律歷志云正月立春節雨水二月驚蟄節春  
分中是前漢之末劉歆作三統歷改驚蟄爲二月節也  
○顧氏曰知錄三十卷云淮南子先雨水後驚蟄則漢  
初已有此說而蔡邕月令問答云問者曰旣不用三統  
以驚蟄爲正月月中雨水爲二月節皆三統法也獨用之  
何曰孟春月令曰蟄蟲始震始作在正月也仲春始雨  
水則雨水二月也以其合故用之是則三統未嘗改雨

水在驚蟄之前也改之  
者四分歷耳記疏誤也  
天子居青陽左个乘鸞路駕倉

龍戰青旂衣青衣服倉玉食麥與羊其器疏以達  
以皆順

時氣也青陽左个大寢東堂北偏鸞路有虞氏之車有  
鸞和之節而飾之以青取其名耳春言鸞冬夏言色互  
文馬八尺以上為龍凡所服玉謂冠飾及所佩者之衡  
璜也麥實有孚甲屬木羊火畜也時尚寒食之以安性  
也器疏者刻鏤之象物當貫土而出也凡此車馬衣服  
皆所取於殷時而有變焉非周制也周禮朝祀戎獵車  
服各以其事不以四時為異又玉藻曰天子龍衮以祭  
玄端而朝日皮弁以日視朝與此皆殊○愚按如鄭之  
意則明堂四面各三室其中為堂其左右為个共十二  
室也朱子則謂十二室實是九室如井田之制○方氏  
也曰居謂居是月也以立春先立春三日大史謁之天  
明堂以聽政  
子曰某日立春盛德在木天子乃齊  
大史禮官之屬掌  
正歲年以序事謁



也告立春之日天子親帥三公九卿諸侯大夫以迎春於

東郊還反賞公卿諸侯大夫於朝迎春祭倉帝靈威仰

明堂禮日出十五里迎歲蓋殷禮也於東郊之兆也王居

謂有功德者有以顯賜之也朝大寢門外○愚按鄭本

作賞公卿諸侯大夫於朝孔疏可按陳氏本脫去諸侯

二字非也今正之○注云迎春祭倉帝靈威仰疏云賈

馬蔡邕告為迎春祭大皞及句芒配之鄭之失在名目必據

緯書命相布德和令行慶施惠下及兆民相謂三公相

謂善教也令謂時禁也慶謂休其善慶賜遂行母有不

也惠謂恤其不足也天子曰兆民乃命大史守典奉法司天曰

當遂猶達也言使當得者乃命大史守典奉法司天曰

月星辰之行宿離不貸母失經紀以初為常典六典法

讀如儷偶之儷宿儷謂其屬焉相氏保章氏掌天文者

相與宿偶當審候何不得過差也經紀謂天文進退度

數○顏師古匡謬正俗曰按易之離卦彖辭曰日月麗

乎天○今云宿離不貸宿即星辰離則日月蓋覆上言星

辰日月耳何為改離作儷若然離卦亦可變為麗卦○

愚按典法謂歷象推步之屬也宿日月星辰所舍也離

歷也貸差也經紀七政之躔度是月也天子乃以元日

初即典法之故事注似未安

祈穀于上帝謂以上辛郊祭天也春秋傳曰夫郊祀后

帝大微乃擇元辰天子親載耒耜措之于參保介之御

之帝也

開帥三公九卿諸侯大夫躬耕帝藉天子三推三公五

推卿諸侯九推介車右也置耒於車右與御者之閒明

東備也保猶衣也介甲也帝藉為天神借民力所

東備也保猶衣也介甲也帝藉為天神借民力所

東備也保猶衣也介甲也帝藉為天神借民力所

治之田也。○方氏苞曰：參保介者，參乘之保介也。朱軾曰：御侍也。謂置於保介所侍處也。又呂氏春秋參字在于字上，更直截。○惠棟古義云：注云元辰蓋郊後吉亥也。俗本作吉辰，正義曰：知用亥者，以陰陽式法正月亥為天倉也。盧植蔡邕並云：郊天是陽故用日耕，藉是陰故用辰元者，善也。皇氏云：正月建寅，日月會辰在亥，故耕用亥也。○案惠氏又引南齊志：諸議云五行之說，木生於亥，以亥日祭先農也。又云：十辰寅與亥合，取月建與日辰合也。又云：陽生於子，元起於亥，攝此諸說，則知古本皆作吉亥矣。不知何時誤作吉辰，遂傳之至今也。又按參字在于反執爵于大寢字下，為是。據周頌保介，恐是農官也。

三公九卿諸侯大夫皆御命曰勞酒。既耕而宴飲以勞羣臣也大寢路寢

御侍是月也。天氣下降，地氣上騰，天地合同，草木萌動也。

此陽氣蒸達可耕之候也。農書曰：王命布農事，命田舍

土長冒櫟，陳根可拔，耕者急發。

東郊皆脩封疆審端徑術田謂田畯主農之官也舍東郊順時氣而居以命其事也

封疆田首之分職術周禮作遂夫間有遂遂上有徑遂小溝也步道曰徑今尚書曰分命羲仲宅嵎夷也○愚

按術田間道也讀如字善相丘陵阪險原隰土地所宜五穀所殖

以教道民必躬親之之相視田事既飭先定準直農乃不

戒說所以命田舍東郊之意也準直謂封疆徑遂也夏小正曰農率均田○率所類反謂田正是月

也命樂正入學習舞為仲春將釋菜乃脩祭典重祭禮歲始省錄命祀

山林川澤犧牲毋用牝為傷妊禁止伐木盛德毋覆巢

毋殺孩蟲胎夭飛鳥毋麇母卵為傷萌毋聚大眾毋置

城郭為妨農掩骼埋胔謂死氣逆生也骨枯曰骼肉腐

之始

謂死氣逆生也

蔡邕云露骨曰骼有肉

日是月也不可以稱兵稱兵必天殃逆生氣兵戎不起不

可從我始為主客不利毋變天之道以陰政毋絕地之理

易剛柔毋亂人之紀仁之時而孟春行夏令則雨水不

時已之氣乘之也四月於消息為乾○愚按每月失草

木蚤落促生日國時有恐以火訛相驚○愚按以訛言相

然行秋令則其民大疫申之氣乘之秋風暴雨總至正

宿直尾箕箕好風其藜莠蓬蒿並興生氣亂行冬令則

水潦為敗雪霜大摯首種不入亥之氣乘之也舊說首

穀最先種蔡邕云宿麥非也

仲春之月日在奎昏弧中旦建星中

仲中也仲春者日月會於降婁而斗

建卯之辰也弧在輿鬼南建星在斗上

○疏云餘月昏

旦中星皆舉二十八宿此不然者以弧星近井建星近

斗井斗度多星體廣不可的指故也○齊召南曰其日

注云弧在輿鬼南略差弧在井南其去輿鬼稍遠

甲乙其帝大皞其神句芒其蟲鱗其音角律中夾鍾其

數八其味酸其臭羶其祀戶祭先脾

夾鍾者夷則之所

七寸二千一百八十七分寸之千七十五

仲春始雨水

氣至則夾鍾之律應周語曰夾鍾出四隙之細

桃始華倉庚鳴鷹化為鳩

皆記時候也倉庚驪黃也鳩搏殺也漢始以雨水為二月

節愚案日知錄云雨水者謂天所雨者水而非雪也

今二月間尚有雨雪唯南方地煖有正月雨水者南史

宋孝武帝紀大明元年正月庚午都下雨水蓋以雨水

為異逸周書周月解春三中氣雨水春分穀雨二按

搏穀卽布穀也  
天子居青陽大廟乘鸞路駕倉龍載青

旂衣青衣服倉玉食麥與羊其器疏以達  
青陽大廟東

是月也安萌芽養幼少存諸孤  
助生擇元日命民社后

土也使民祀焉神其農業也祀社日用甲○愚按召誥

有也一里二十五家卽得立社是民自立社也月令命

民社鄭志亦謂此秦社自秦以下民始得立社也其祭

法注說置社今時里社是也引  
命有司省囹圄去桎梏

秦里社以解古之置社非矣  
命有司省囹圄去桎梏

井肆掠止獄訟  
順陽寬也省減也囹圄所以禁守繫者

足曰桎肆謂死刑暴尸也周禮曰肆之三日掠謂捶治

人○方氏苞曰周官掌囚上罪桎梏而桎梏旣在手安

得更以桎加易曰童牛之牯防其觸也則桎在脰拳在

手桎在足明矣所謂關三木也○愚按肆縱也言不得

豐己月令

二

縱意答

是月也玄鳥至至之日以大牢祠于高禘天子

親往之象也燕也燕以施生時來巢人堂宇而孚乳娶嫁

媒言禘神之而生契後王以爲媒官嘉祥而立其祠焉變

氏然則郊禘當復誰氏也○愚按高者尊之之辭若以高爲高辛

秦人安舉之愚禮三代以前絕無此典禮后妃帥九嬪

御御謂從往侍祠周禮天子有夫人有嬪乃禮天子所

御有世婦有女御獨云帥九嬪舉中言也乃禮天子所

御帶以弓韣授以弓矢于高禘之前天子所御謂今有

酒飲於高禘之庭以神惠顯之也帶以弓韣授以弓矢

求男之祥也王居明堂禮曰帶以弓韣禮之禘下其子

必得是月也日夜分雷乃發聲始電蟄蟲咸動啓戶始

出又記時候發猶出也○愚按二分陰陽中皆節之大者

候者二至陰陽極二分陰陽中皆節之大者先雷

出又記時候發猶出也○愚按二分陰陽中皆節之大者先雷

出又記時候發猶出也○愚按二分陰陽中皆節之大者先雷



三日奮木鐸以令兆民曰雷將發聲有不戒其容止者

生子不備必有凶災主戒婦人有娠者日夜分則同度

量鈞衡石角斗甬正權概因晝夜等而平當平也同角

斛曰量三十斤曰鈞稱上曰衡百二十斤是月也耕者

少介乃修閭扇寢廟畢備舍猶止也因蟄蟲啓戶耕事

用竹葦曰扇畢猶皆也凡廟前曰廟後曰寢○方氏苞

母作大事以妨農之事役之屬是月也毋竭川澤毋漉

陂池毋焚山林順陽養物也畜水曰陂穿地通水曰池

陂停水天子乃鮮羔開冰先薦寢廟鮮當為獻聲之誤

豐己迄月令

也祭司寒而出冰薦於宗廟乃後賦之春秋傳曰古者

日在北陸而藏冰西陸朝覲而出之其藏冰也深山窮

谷固陰沍寒於是乎取之其出之也朝之祿位賓食喪

祭於是乎用之其藏之也黑牡在黍以饗司寒其出之

也桃弧棘矢以除其災其出入也時食肉之祿冰皆與

焉大夫命婦喪浴用冰祭寒而藏之獻羔而啓之公始

用之火出而畢賦自命夫命婦至於老疾無不上丁命

受冰○愚按鮮讀如字今猶謂薦新物曰獻鮮上丁命

樂正習舞釋菜出地鼓舞也將舞必釋菜於先師以禮

之夏小正曰丁天子乃帥三公九卿諸侯大夫親往視

亥萬用人學仲丁又命樂正入學習樂也習樂者習歌與

之物也仲丁又命樂正入學習樂也習樂者習歌與

入是月也祀不用犧牲用圭璧更皮幣也習樂者習歌與

音是月也祀不用犧牲用圭璧更皮幣也習樂者習歌與

易也當祀者古以玉帛而已仲春行秋令則其國大水

○愚按不用犧牲羣小祀耳仲春行秋令則其國大水

寒氣總至

酉之氣乘之也八月宿直昂畢畢好雨

寇戎來征

金氣動也畢又為邊兵

行冬令則陽氣不勝麥乃不熟

子之氣乘之也十一月為大陰

民多相

掠

陰森也

行夏令則國乃大旱煖氣早來

午之氣乘之也

蟲螟為

害

暑氣所生為災害也

季春之月日在胃昏七星中旦牽牛中

季少也季春者日月會於大梁

而斗建辰之辰

其日甲乙其帝大皞其神句芒其蟲鱗其音角

律中姑洗其數八其味酸其臭羶其祀戶祭先脾

姑洗者南

呂之所生也三分益一律長七寸九分寸之一季春氣至則姑洗之律應周語曰姑洗所以脩絜百物考神納

賓

桐始華田鼠化為鴛虹始見萍始生

皆記時候也鴛鵒母蟬謂之

虹萍萍也其大者曰蘋○鴒母爾雅疏母作無蔡邕云鴒鴒之屬天子居青陽右个乘

鸞路駕倉龍載青旂衣服倉玉食麥與羊其器疏

以達青陽右个東堂南偏是月也天子乃薦鞠衣于先帝為將鶯求福祥

之助也鞠衣黃桑之服先帝大皞之屬命舟牧覆舟五覆五反乃告舟備

具于天子焉舟牧主舟之官也覆反舟者備傾側也天子始乘舟薦鮪于

寢廟進時乃為麥祈實於含秀求其成也不言所祈承寢廟可知○愚按祈麥實恐不

當於寢廟是月也生氣方盛陽氣發泄句者畢出萌者盡達

不可以內句時可宜出不可收斂也天子布德行惠命有

司發倉廩賜貧窮振乏絕振猶救也○愚按為春乏無之時也孟子曰春備不足

開府庫出幣帛周天下勉諸侯聘名士禮賢者周謂給不足也

勉猶勸也聘問也名士是月也命司空曰時雨將降下

水上騰循行國邑周視原野修利隄防道達溝瀆開通

道路毋有障塞廣平曰原國也邑也平野也溝瀆與道路皆不得不通所以除水潦便民事也

古者溝田獵置罟羅網畢翳餒獸之藥毋出九門為鳥獸

上有路長謂之畢翳射者所以自隱也凡諸罟及毒藥禁其出

九門明其常有時不得用耳天子九門者路門也應門

也雉門也庫門也皋門也城門也近郊門也遠郊門也

關門也今月令無罟羅為弋○方氏苞曰匠人營國方

九里旁三門則王畿通十有二門此記所稱九門或侯

國之制或秦變周禮皆未可知而其為國門無疑也○

愚按田獵言此時猶得田獵也但置罟以下不得用耳

豐己亥月令

是月也命野虞母伐桑柘

愛蠶食也野虞謂主田及山林之官

鳴鳩拂其

羽戴勝降于桑

蠶將生之候也鳩鳴飛且翼相擊趨農急也戴勝織紵之鳥是時恆在桑言降

者若時始自天來重之也

具曲植遂筐

時所以養蠶器也曲薄也○遂亦作筥后妃

齊戒親東鄉躬桑禁婦女毋觀省婦使以勸蠶事

后妃親採

桑示帥先天下也東鄉者鄉時氣也是明其不常畱養蠶也畱養者所卜夫人與世婦謂世婦及諸臣之妻

也內宰職曰仲春詔后帥外內命婦始蠶於北郊女外

也內子女也夏小正曰妾子始蠶執養宮事毋觀去容飾

也婦使縫線組紉之事蠶事既登分繭稱絲效功以共

郊廟之服毋有敢惰畢將課功以勸戒之是月也命工師令百工審五庫之量金鐵皮革筋角齒羽箭幹脂膠

丹漆母或不良工師司空之屬官也五庫藏此諸物之

也凡榘幹有當百工咸理監工日號母悖于時母或作

爲淫巧以蕩上心咸皆也於百工皆理治其事之時工

也悖猶逆也百工作器物各有時逆之則不善時者若

可人春液角夏治筋秋合三材冬定體之屬也淫巧謂

僞師不如法也蕩謂動之使生奢是月之末擇吉日大

合樂天子乃帥三公九卿諸侯大夫親往視之大合樂

助陽達物風化天下也其禮亡今是月也乃合累牛騰

馬遊牝于牧累騰皆乘匹之名是月所合牛馬謂繫在

按繫相累也騰相跳也皆牡者有匹犧牲駒犢舉書其

偶之意故使就牝者於牧地而遊之

數至秋當錄內且以知生息之多也故命國難九門磔

攘以畢春氣此難陰氣也陰寒至此不止害將及人

所以畢止其災也王居明堂禮季春行冬令則寒氣時

發草木皆肅肅謂枝葉縮栗國有大恐以水詆行夏令

則民多疾疫時雨不降鬼鬼為天尸時又有暑也山陵

不收於高者墮行秋令則天多沈陰淫雨蚤降之也九月

多陰淫霖也雨三日以兵革並起勝也

孟夏之月日在畢昏翼中旦婺女中孟夏者日月會於

實沈而斗建巳之



辰其日丙丁丙之言炳也日之行夏南從赤道長育萬

又因以為日名焉易其帝炎帝其神祝融此赤精之君

古以來者德立功者也炎帝大庭氏其蟲羽象物從風

也祝融顓頊氏之子曰黎為火官其蟲羽象物從風

之其音徵三分宮去一以生徵徵數五十四屬火者以

微亂則哀律中中呂孟夏氣至則中呂之律應中呂者

萬九千六百八十三分寸之萬二千其數七成數七但

言七者亦其味苦其臭焦火之臭味也凡其祀竈祭先

舉具成數其味苦其臭焦火之臭味也凡其祀竈祭先

肺者陽氣盛熱於外祀之於竈從熱類也祀之先祭肺

祀竈之禮先席於門之奧東面設主於竈陞乃制肺及

心肝為俎饗於主西又設盛於俎南亦祭黍三祭肺心

豐己月令

肝各一祭醴三亦既祭徹之更陳鼎蝻蝻鳴蚯蚓出王

瓜生苦菜秀皆記時候也蝻蝻蛙也王瓜草挈也今月

○蔡邕云蝻蝻天子居明堂左个乘朱路駕赤駟載赤旂

衣采衣服赤玉食菽與雞其器高以粗明堂左个大寢

實乎甲堅合屬水雞木畜時熱食之亦以是月也以立

夏先立夏三日大史謁之天子曰某日立夏盛德在火

天子乃齊調告也立夏之日天子親帥三公九卿大夫以

迎夏於南郊還反行賞封諸侯慶賜遂行無不欣說迎

祭赤帝赤燎怒於南郊之兆也不言帥諸侯而云封諸侯諸侯時或無在京師者空其文也祭統曰古者於禴

也發傳賜服順陽義也於嘗也出田邑發秋政順陰義也今此行賞可也而封諸侯則違於古封諸侯出土地之事於時未乃命樂師習合禮樂飲耐命大尉贊桀俊可似失之

遂賢良舉長大

助長氣也贊猶出也桀俊能者也遂猶進也三王之官有司馬無大尉秦官則有大尉今俗人皆云周公作月令未通於古○按蔡邕

王肅亦謂月令周公作又按宋書百官志上堯時舜為大尉官是古有行爵出祿必當其位之使順是月也繼長

太尉非始於秦增高謂草木母有壞墮亦為逆時氣母起土功母發大眾妨

籙農母伐大樹亦為逆時氣是月也天子始絺初服命野虞

出行田原為天子勞農勸民母或失時重敕命司徒循

行縣鄙命農勉作母休于都急趨於農也縣鄙鄉遂之屬主民者也王居明堂禮

日母宿于國今是月也驅獸毋害五穀母大田獵為傷

之農乃登麥天子乃以飪嘗麥先薦寢廟登進也麥之

熱也飪水畜是月也聚畜百藥蕃廡之時廡草死麥秋

至斷薄刑決小罪舊說云廡草薺蔞蔞之屬祭統曰草

今以純陽之月斷刑決罪與母有壞墮自相違似非○

恩按廡草草之廡廡細者今夏枯草四月枯也○方氏

苞曰於此月斷之決之出之者非極惡出輕繫崇蠶事

畢后妃獻繭乃收繭稅以桑為均貴賤長幼如一以給

郊廟之服后妃獻繭者內命婦獻繭於后妃收繭稅者

夫亦富有祭服以助祭收以近郊之稅耳貴賤長幼如

一國服同○愚按后妃獻繭蓋獻於先帝也春薦鞠衣

祈禱也夏獻爾告成功也先儒謂內命婦獻爾於后妃  
恐非也李春分爾稱絲效功則內命婦之獻后妃前此  
矣收爾悅者外命婦及士庶人妻女之所入者也故曰  
責賤長幼如一○方氏也曰季春專言王宮之蘭事故  
曰既登孟夏兼言國中蠶事故是月也天子飲酎用  
禮樂臣以禮樂飲之於朝正尊卑也孟冬云大飲烝此  
言用禮樂孟夏行秋令則苦雨數來五穀不滋申之氣  
互其文孟夏行秋令則苦雨數來五穀不滋乘之也  
苦而白露之類四鄙入保金氣為害也鄙界行冬令則  
時物得雨傷四鄙入保上邑小城曰保行冬令則  
草木蚤枯促長日後乃大水敗其城郭亥之氣行春令則  
蝗蟲為災暴風來格寅之氣乘之也必以蝗蟲為災者  
者大出矣秀草不實氣更生之不得成也

仲夏之月日在東井昏亢中旦危中

仲夏者日月會於鶉首而斗建午之

也其日丙丁其帝炎帝其神祝融其蟲羽其音徵律中

蕤賓其數七其味苦其臭焦其祀竈祭先肺

蕤賓者應鍾之所生

三分益一律長六寸八十一分寸之二十六仲夏氣至則蕤賓之律應周語曰蕤賓所以安靜神人獻酬交酢

小暑至螳蜋生鵙始鳴反舌無聲

皆記時候也螳蜋鵙蛸母也鵙博勞也反

舌百舌鳥也○愚按博勞亦作伯勞即伯趙反舌蔡邕云蝦蟇非也

天子居明堂大廟乘

朱路駕赤駟載赤旂衣朱衣服赤玉食菽與雞其器高

以粗

明堂大廟南堂當大室也

養壯佼

助長氣也

是月也命樂師脩鞀鞀

鼓均琴瑟管簫執干戚戈羽調竽笙篳篥簫鍾磬祝敔

為將大等帝習樂也脩均執調  
命有司為民祈祀山川

百源大雩帝用盛樂乃命百縣雩祀百辟卿士有益於

民者以祈穀實也陽氣盛而常早山川百源能興雲雨者

雩雩吁嗟求雨之祭也雩帝謂為壇南郊之旁雩五精

之帝配以先帝也自昭裨至祝故皆作曰盛樂凡他雩

用歌舞而已百辟卿士古者上公若句龍后稷之類也

春秋傳曰龍見而雩雩之正當以四月凡周之秋三月

之中而旱亦修雩禮以求雨因著正雩此月失之矣天

子雩上帝諸侯以下雩上公周冬及春夏雖旱禮有禱

無雩○愚按鄭於季夏百縣農乃登黍登進也○陳氏

注云鄉遂之屬此亦當然也農乃登黍注云今用登麥

穀例移此四字是月也天子乃以雩嘗黍羞以含桃先

在是月也之下

薦寢廟者此嘗雩也而云以嘗黍不以牲主穀也必以黍

黍火穀氣之主也含桃櫻桃也○愚按仲夏

豐記卷月令

一可

黍已登者蔡邕云今蟬鳴黍是也登黍則嘗黍注云此  
常雖也者意蓋謂此時黍未熟所嘗者舊黍耳恐非也  
農登黍不得令民毋艾藍以染為傷長氣也此月藍始  
云黍未熟也  
灌藍毋燒灰為傷火氣也火之氣於是為盛火之滅者  
麥為灰也燕地暑月不燒石為灰窰者曰地氣上蒸窰  
石為灰也燕地暑月不燒石為灰窰者曰地氣上蒸窰  
內淫強煖即粗礦不可用推此則艾藍暴布亦為非時  
不能為良非恐傷時氣干盛陽也○愚按灰呂覽母暴  
作炭觀鄭注蓋本亦作炭今本傳寫譌作灰爾  
布不以陰功干門問母閉關市毋索○順陽敷縱不難物  
稅也此月不索知餘月挺重囚益其食挺猶寬也○愚  
索矣非聖王之法也  
增益其食孟月輕繫已游牝別羣孕妊之則繁騰駒  
出之此月重囚復寬假之游牝別羣欲止也則繁騰駒  
為其壯氣有班馬政馬政謂養馬之政致也庾人職曰  
餘相蹄鬪也班馬政掌十有二閑之政致以阜馬佚特



教駢攻駒是月也日長至陰陽爭死生分爭者陽方盛

此之謂也也猶半君子齊戒處必掩身毋躁掩猶隱翳也躁猶動也

止聲色毋或進進猶御見也聲謂樂也易及樂春秋說

日今止之非其道也○愚按方氏薄滋味毋致和為其

也以此樂為燕私之樂亦恐未然薄滋味毋致和氣異

此時節書欲定心氣微陰扶精百官靜事毋刑罪罰之

傷人以問今月令刑為徑○愚按淮南子時則訓刑作徑高

訪注云事無徑當精詳而後行呂氏春秋仍作刑而高

訪注云事無刑當精詳而後以定晏陰之所成晏安也

行是字雖為刑訓則為徑也以定晏陰之所成陰稱安也

鹿角解蟬始鳴半夏生木堇榮又記時候也半夏是月

也毋用火南方陽氣盛又用火於可以居高明可以遠

眺望可以升山陵可以處臺榭順陽在上也高明謂樓觀也閭者謂之臺有木

者謂之榭仲夏行冬令則雹凍傷穀子之氣乘之也陽為道雨陰起脅之凝為雹

路不通暴兵來至盜賊攻劫行春令則五穀晚熟卯乘

之也生百勝時起其國乃饑騰蝗之屬言百者行秋令

則草木零落酉之氣乘之也八月宿果實早成短生日民

殃於疫大陵之氣來為害也

季夏之月日在柳昏火中旦奎中季夏者日月會於鶉火而斗建未之辰也

其日丙丁其帝炎帝其神祝融其蟲羽其音徵律中林

鍾其數七其味苦其臭焦其祀竈祭先肺林鍾者黃鍾之所生三分

去一律長六寸季夏氣至則林鍾之律應  
周語曰林鍾和展百物俾莫不任肅純恪  
溫風始至蟋

蟀居壁鴈乃學習腐草為螢搏也夏小正曰六月鴈始

按溫風傳所謂融風與天子居明堂右个乘朱路駕赤

駟載赤旂衣朱衣服赤玉食菽與雞其器高以粗明堂

南堂西命漁師伐蛟取鼉登龜取鼃四者甲類秋乃堅

魚又曰凡取龜用秋時是夏之秋也成周禮曰秋獻龜

蛟古伐者以共其有兵衛也龜言登者尊之也鼃鼃言命

取羞物賤也鼃皮又可以冒鼓今月令漁師為榜人

澤人納材蒲葦之屬此時柔是月也命四監大合百

縣之秩芻以養犧牲令民無不咸出其力四監主山林

縣鄉遂之屬地有山林川澤者也秩常也百縣給國養犧牲之芻多少有常民皆當出力為艾之今月令四為

田以共皇天上帝名山大川四方之神以祠宗廟社稷

之靈以為民祈福牲以供祠神靈為民求福明使民艾

至所祭於剛丘也上帝大微五帝○是月也命婦官染愚按天以大體言帝以主宰言一耳

采黼黻文章必以法故無或差貸婦官染人采五色黑黃倉赤

莫不質良毋敢詐偽質正也良善也○愚按質謂所用染采

之材以給郊廟祭祀之服以為旗章以別貴賤等給之

度旗章旌旗及章識也是月也樹木方盛乃命虞人入

山行木毋有斬伐為其未堅刃也不可以興土功不可以合諸

侯不可以起兵動眾上將用事母舉大事以搖養氣事大

興徭役毋發令而待以妨神農之事也發令而待謂出

以有為民驚則心動是害土神之氣土神稱曰水潦盛

神農者以其主於稼穡○愚按神農農神也昌神農將持功舉大事則有天殃言土以受天雨澤安

致害也孝經說曰地順受澤謙是月也土潤溽暑謂塗

也大雨時行燒薙行水利以殺草如以熱湯薙謂迫地

謂欲稼穡地先薙其草草乾燒之至此月大雨流水潦也此

畜於其中則草死不復生而地美可稼也薙人掌殺草

職曰夏至而薙之又曰如可以糞田疇可以美土疆也

欲其化也則以水火變之○愚按疆讀如字注讀其兩

豐己曆月令

七

反也季夏行春令則穀實鮮落國多風欬辰之氣乘之也

災位二氣相亂為害○愚按呂民乃遷徙象風轉行秋

令則上隔水潦戊之氣乘之也九月宿直奎為溝禾

稼不熟傷於水也乃多女災含任之類敗也行冬令則風寒不時丑

氣乘之也鷹隼蚤鷙得疾鷹之氣也四鄙入保象鳥雀之走竄也都

前注云小城曰保此又云都邑之

中央土德在上也其日戊己戊己之言茂也己之言起也

月為之佐至此萬物皆枝葉茂盛其其帝黃帝其神后

土此黃精之君土官之臣自古以來著德立功者也黃帝軒轅氏也后土亦顓頊氏之子曰率兼為土官○

齊召南曰此注誤也句龍官后土而祀於社其蟲裸象  
即十神次何乃疑祝融之以火官兼土官乎其蟲裸象  
諸見不隱藏虎其音宮聲始於宮宮數八十一屬土者  
狗之屬恆淺七其音宮以其最濁君之象也季夏之氣  
相則宮聲調樂記曰律中黃鍾之宮黃鍾之宮最長也  
宮亂則荒其若驕律中黃鍾之宮黃鍾之宮最長也  
聲且終於六十焉季夏之氣至則黃鍾之宮其數五土生  
宮應禮運曰五聲六律十二管還相為宮其數五土生  
成數十但言五其味甘其臭香土之臭味也凡其祀中  
音十以生為本其味甘其臭香土之臭味也凡其祀中  
雷祭先心中雷猶中室也土主中央而神在室古者複  
次心次肺至此心為尊也祀中雷之禮設主於牖下乃  
制心及肺肝為俎其祭肉心肺肝各一他皆如祀戶之  
禮

天子居大廟大室乘大路駕黃駟載黃旂衣黃衣服

黃玉食稷與牛其器鬯以閔

大廟大室中央室也大路  
殷路也車如殷路之制而

飾之以黃稷五穀之長牛土畜也器圓者象土  
周布於四時閏讀如紘紘謂中寬象土含物

孟秋之月日在翼昏建星中旦畢中孟秋者日月會於

辰其日庚辛庚之言更也辛之言新也日之行秋西從

更秀實新成人其帝少皞其神蓐收此白精之君金官

德立功者也少皞金天氏尊其蟲毛象物應涼氣而備

毛其音商三分徵益一以生商商數七十二屬金者以

也其音商其濁次宮臣之象也秋氣和則商聲調樂記

曰商亂則律中夷則孟秋氣至則夷則之律應夷則者

亦舉其成數其味辛其臭腥金之臭味也凡其祀門祭



先肝

秋陰氣出祀之於門外陰也祀之先祭肝者秋爲

門左

樞乃制肝及肺心爲俎奠於主南又設盛於俎東

其他

皆如祭竈之禮。愚按門戶一耳祀以春秋者以

戶屬

在外爲異涼風至白露降寒蟬鳴靡乃祭鳥用始行

戮

皆記時候也寒蟬寒蜩謂蜬也應祭鳥者將食之示

天子

居總章左个乘戎路駕白駱載白旂衣白衣服白

玉食

麻與犬其器廉以深路總章左个大寢西堂南偏戎

之以

白白馬黑指曰駱麻實有文理屬金是月也以立

秋先

立秋三日大史謁之天子曰某日立秋盛德在金

告

天子乃齊立秋之日天子親帥三公九卿諸侯大夫

以迎秋於西郊還反賞軍帥武人於朝

迎秋者祭白帝白招拒於西郊

之兆也軍帥諸將也武人謂環人之屬有勇力者

天子乃命將帥選士厲兵簡

練桀俊專任有功以征不義

征之言正也伐也

詰誅暴慢以明

好惡順彼遠方

詰謂問其罪窮治之也順猶服也

是月也命有司脩法

制繕囹圄具桎梏禁止姦愼罪邪務搏執

順秋氣政尚嚴

命理

瞻傷察創視折

理治獄官也有虞氏曰士夏曰大司寇創之淺者曰傷

審斷

決獄訟必端平

端猶正也陸德明曰一讀斷字絕句決字下屬

戮有罪嚴斷

刑天地始肅不可以羸

肅嚴急之言也羸猶解也

是月也農乃登穀

天子嘗新先薦寢廟

黍稷之屬於是始熟○愚按仲夏登黍矣此之穀乃稷也今俗亦謂

櫻爲穀矣餘月皆以某嘗某此但言  
命百官始收斂順

氣收斂物完隄坊謹壅塞以備水潦備者備八月也入脩宮

室坏垣牆補城郭象秋收斂也是月也毋以封諸侯立大

官毋以割地行大使出大幣古者於嘗出田邑此其月

封諸侯恩按孟夏封諸侯順夏假之令也孟秋禁孟秋行

冬令則陰氣大勝亥之氣介蟲敗穀介蟲敗穀介甲也甲蟲屬冬

戎兵乃來十月宿直營室營室主武事行春令則其國乃旱

寅之氣乘之也陽氣復還五穀無實陽氣能生行夏令

則國多火災已之氣寒熱不節民多瘡疾瘡疾寒熱所

瘧疾為疾疫

仲秋之月日在角昏牽牛中旦觜觶中

仲秋者日月會於壽星而斗建

酉也其日庚辛其帝少皞其神蓐收其蟲毛其音商律

中南呂其數九其味辛其臭腥其祀門祭先肝

南呂者大族之

所生三分去一律長五寸三分寸之一仲秋氣至則南呂之律應周語曰南呂者贊陽秀物

盲風至

鴻鴈來玄鳥歸羣鳥養羞

皆記時候也盲風疾風也玄鳥燕也歸謂去也凡鳥隨

陰陽者不以中國為居羞謂所食也夏小正曰九月丹鳥羞白鳥說曰丹鳥也者謂丹良也白鳥也者謂白

也其謂之鳥者重其養者也有翼為鳥養也者不盡食也二者文異羣鳥丹良未聞孰是○愚按太平御覽二

十五卷引蔡邕月令章句曰仲秋白露節盲風至秦人謂麥風為盲風案盲通作蚩說苑辨物篇云雨穀三日

蟲風之所風也又按盲風疾風未詳所謂皇氏云秦人謂疾風為盲風又云丹良熒火也未問何據又案今夏小止云八月丹鳥羞白鳥養也者作羞也者天子居總章大廟乘戎路駕白

駱載白旂衣白衣服白玉食麻與犬其器廉以深

西室當是月也養衰老授几杖行糜粥飲食助老氣也

○方氏世曰周制春饗孤子秋食耆老此篇仲春存諸孤仲秋養衰老即其事也曰存則不獨饗之而又存恤

其家曰授几杖行糜粥飲食乃命司服具飭衣裳文繡則不獨食之而又有賜予也

有恆制有小大虔有長短此謂祭服也文謂畫也衣服祭服之制畫衣而繡裳衣服

有量必循其故此謂朝燕及他服凡此為寒益至也詩云七月流火九月授衣於是作之可也

冠帶有常因制衣服而作之也乃命有司申嚴百刑斬殺必當毋

或枉撓枉撓不當反受其殃

申重也當謂值其罪○愚按孟月已嚴斷刑故此又

申嚴之嚴謂慎重也

是月也乃命宰祝循行犧牲視全具案芻豢

瞻肥瘠察物色必比類量小大視長短皆中度五者備

當上帝其饗

於鳥獸肥充之時宜省羣牲也宰祝大宰

象五者謂所視也所案也所瞻也所察也所量也此皆

得其正則上帝饗之上帝饗之而無神不饗也○愚按

體完曰全成牢曰具物色如騂騂之別比類順陰陽之

義長短以角言也○方氏苞曰五者以全具肥瘠物色

小大長短言芻豢因肥瘠天子乃難以達秋氣

而及不得為五者之一也陽氣也

陽者至此不衰害亦將及人所以及人者陽氣左行此

月宿直昂畢亦得大陵積尸之氣氣佚則厲鬼亦

隨而出行於是亦命方相氏帥百隸而難之王居

明堂禮曰仲秋九門磔攘以發陳氣禦止疾疫以犬

嘗麻先薦寢廟

麻始熟也。愚按不是月也可以築城

言農乃登麻文省也

郭建都邑穿寶窖修困倉

為民將入物當藏也穿寶窖者入地圖曰寶方曰窖王居

明堂禮曰仲秋命庶民畢入

乃命有司趣民收斂務畜

菜多積聚

始為禦冬之備

乃勸種麥母或失時其有失時行罪

無疑

麥者接絕續乏之穀尤重之。愚按夏小正榮鞠樹麥在九月

是月也日夜分雷

始收聲蟄蟲坏戶殺氣浸盛陽氣日衰水始涸

又記時候也雷

始收聲在地中動內物也坏益也蟄蟲益戶謂稍小之也

也。潤竭也此甫八月中雨氣未止而云水竭非也周語

曰辰角見而雨畢天根見而水涸又曰雨畢而除道水

潤而成梁辰角見九月本也天根見九月末也王居明

致梁以利農也日夜分則同度量平權衡正鈞石角

斗甬是月也易關市來商旅納貨賄以便民事四方來

集遠鄉皆至則財不匱上無乏用百事乃遂易關市謂輕其稅使

民利之商旅賈客也凡舉大事毋逆大數必順其時慎

因其類始征伐此月築城郭季秋教田獵是以於中為

之戒仲秋行春令則秋雨不降卯之氣乘之也卯宿直房心心為大火也草

木生榮應陽國乃有恐相驚行夏令則其國乃旱蟄

蟲不藏五穀復生午之氣行冬令則風災數起子之氣乘之也

北風收雷先行冬主閉藏草木蚤死寒氣盛也○愚按

桃李梅之屬有歲再華者草木蚤死謂未至黃落而忽萎死者也



季秋之月日在房昏虛中旦柳中

季秋者日月會於大火而斗建戌之辰也

其日庚辛其帝少皞其神蓐收其蟲毛其音商律中無

射其數九其味辛其臭腥其祀門祭先肝

無射者夾鍾之所生三分

去一律長四寸六千五百六十一分寸之六千五百二

十四季秋氣至則無射之律應周語曰無射所以宣布

詰人之令德示民軌儀

鴻鴈來賓爵入大水為蛤鞠有黃華豺乃

祭獸戮禽

皆記時候也來賓言其客止未去也大水海也戮猶殺也○愚按仲秋日來者過去不留

此日來賓者俗謂鴈也○就煖處居停猶客旅然天子

居總章右个乘戎路駕白駱載白旂衣白衣服白玉食

麻與犬其器廉以深

總章右个是月也申巖號令○申重

按孟秋命百官始收斂此復申嚴號令以命之命百官貴賤無不務內以會天

地之藏無有宣出內謂收斂入之也。會猶聚也。惠氏古義云呂覽內作入內古文入。愚

按會台也。台天。乃命冢宰農事備收備猶舉五穀之要

地閉藏之令也。定其租稅之簿。愚按冢宰制國用於歲杪故農事備收舉五穀租稅之所入定其計要也。藏帝籍

之收於神倉祗敬必飭重粢盛之委也。帝籍所耕千畝也。藏祭祀之穀為神倉祗亦敬

也。是月也霜始降則百工休寒而膠漆之乃命有司曰

寒氣總至民力不堪其皆入室總猶上丁命樂正入學

習吹為將饗帝也。春夏重舞秋冬重吹也。疏云必用

○齊召南曰仲春上丁釋菜無疏據此文則取義同也。○愚按春習舞秋習吹互文耳凡聲陽也禮家云嘗祭

無樂鄭云秋冬重吹似失之是月也大饗帝言大饗者遍祭五帝也

此嘗犧牲告備于天子嘗者謂嘗羣神也天子親嘗帝

也。思按人饗非徧祭五帝以其禮大故稱大耳帝即上

合諸侯制百縣為來歲受朔日與諸侯所稅於民輕重

之法貢職之數以遠近土地所宜為度以給郊廟之事

無有所私秦以建亥之月為歲首於是歲終使諸侯及

宮室車旗衣服禮儀也諸侯言合制百縣言受朔日互

文也貢職所入天子凡周之法以正月之和之正歲而縣

於象魏。王氏曰注云合諸侯制絕句不可從劉氏曰

制猶敕也。思按稅於民者各貯其國貢職之數輸納

天子是月也天子乃教於田獵以習五戎班馬政教於田

獵之禮教民以戰法也五戎謂五兵弓矢及矛戈戟也  
馬政謂齊其色度其力使同乘也校人職曰凡軍事物  
馬而命僕及七騶咸駕載旌旄授車以級整設于屏外  
頒之僕戎僕及御夫也七騶謂趣馬主為諸官駕說者也既  
駕之又為之載旌旄司馬職曰仲秋教治兵如振旅之  
陳辨旗物之用王載大常諸侯載載旂軍吏載旗師都載  
旛鄉送載物郊野載旂百官載旗是也級等次也整正  
列也設陳也屏所田之地門外之蔽○七騶者皇氏云  
天子馬有六種種別有騶則六騶也又有總主之人并  
六騶司徒摺扑北面誓之誓眾以天子乃厲飾執弓挾  
矢以獵也屬飾謂戎服尙威武命主祠祭禽于四方以所  
祀四方之神也司馬職是月也草木黃落乃伐薪為炭  
伐木必蠶蟲咸俯在內皆瑾其石瑾為塗閉乃趣獄刑  
因殺氣

毋畱有罪殺氣已至有收祿秩之不當供養之不宜者

天氣殺而萬物咸藏可以去之也祿秩之不當恩所增

加也供養之不宜欲所食者熊蹯之屬非常食○愚按

膳服非常是月也天子乃以犬嘗稻先薦寢廟稻始熟也季

秋行夏令則其國大水冬藏殃敗民多眚未之氣乘

宿直東非行冬令則國多盜賊邊竟不寧土地分裂丑

氣多暑雨行春令則煖風來至民氣

氣乘之也極陰為外邊竟之行春令則煖風來至民氣

象也大寒之時地隆坼也行春令則煖風來至民氣

解惰辰之氣乘之師興不居辰宿直角角主兵不

也巽為風孟冬之月日在尾昏危中旦七星中孟冬者日月會於

析木之津而斗建

亥之其日壬癸壬之言任也癸之言揆也日之行東北

從黑道開藏萬物月為之佐時萬物懷

任於下揆然萌芽其帝顓頊其神玄冥此黑精之君水官之臣自古以來著德立功者也顓頊高陽氏也玄冥少皞氏之子曰脩曰熙為水官其蟲介介甲也象冥少皞氏之子曰脩曰熙為水官中龜鼈其音羽三分商去一以生羽羽數四十八屬水之屬調樂記曰羽亂律中應鍾孟冬氣至則應鍾之律應則危其財匱律中應鍾鍾者姑洗之所生三分去一則長四寸二十七分寸之二十其數六六但言六者亦周語曰應鍾均利器用俾應復其數六六水生數一成數亦其味鹹其臭朽水之臭味也凡鹹朽者皆成數其味鹹其臭朽水之臭味也凡鹹朽者皆成數祭先賢冬陰盛寒於水祀之於行從辟除之頤也祀之廟門外之西為轅壤厚二寸廣五尺輪四尺祀行之禮北面設主於轅上乃制腎及脾為俎奠於主南又設盛於俎束祭內腎一脾再其他皆如祀門之禮。齊召南曰壤字當作壇屬上句讀周禮大馭賈疏引此注作為

帳壇是也又水始冰地始凍雉入大水爲蜃虹藏不見  
本節疏可證  
告記時候也大水淮也大  
蛤曰蜃○陳注云蜃蛟屬  
天子居玄堂左个乘玄路駕

鐵腕載玄旂衣服玄玉食黍與蔬其器閑以菴玄

左个北堂西偏也鐵腕色如鐵黍秀舒散屬火寒時食

之亦以安性也旒水齋也器閑而食象物閑藏也今月

令曰乘軫路似宮是月也以立冬先立冬三日大史謁

爲軫字之誤也

之天子曰某日立冬盛德在水天子乃齊謁立冬之日

告

天子親帥三公九卿大夫以迎冬於北郊還反實死事

恤孤寡以國事死者若公叔禺人顏涿聚者也孤寡其

妻孥也有以惠是月也命大史釁龜筮占兆審卦吉凶

賜之大功加賞

笑者也占兆龜之繇文也周禮龜人上春釁龜謂建寅

之月也秦以其歲首使大史釁龜策與周異矣卦吉凶

謂易也審省錄之而不覺筮筮短是察阿黨則罪無有

賤於兆也今月令曰釁祠祠衍字是察阿黨則罪無有

掩蔽也二句與上文不屬又不見所命之官疑有關文

是月也天子始裘此九月授衣至命有司曰天氣上騰地

氣下降天地不通閉塞而成冬使有司助閉藏之氣門

之命百官謹蓋藏謂府庫國命司徒循行積聚無有不

斂謂錫不耕坏城郭戒門閭脩鍵閉慎管籥固封疆備

邊竟完要塞謹關梁塞後徑坏益也鍵牡閉牝也管籥

司循其溝樹及其眾庶之守法也要塞邊城要害處也

梁橋橫也後徑禽獸之道也今月令蠶或為蠶。按蔡



邑獨斷作固封盟呂覽同卽鄭所謂今月令也又案顏氏家訓書證篇引蔡邕月令章句曰鍵關牡也牡所以止扉也或謂之刻移聲類作戾屋又或作居飭喪紀辨衣裳審棺槨之厚薄

塋丘醴之大小高卑厚薄之度貴賤之等級此亦開藏之具順時

傷正之也辨衣裳謂襲斂尊卑所用也所用又有多少是月也命工師效功陳祭

器按度程毋或作爲淫巧以蕩上心必功致爲上霜降而百

工休至此物皆成也工師工官之長也效功錄見百工所作器物也主於祭器祭器尊也度謂制大小也程謂

器所容也淫巧謂奢僞怪物勒工名以考其誠刻勒也

好也蕩謂搖動生其奢淫名於其器以察其功有不當必行其罪以窮其情功不當者

信知其不功致其功有不當必行其罪以窮其情功不當者

取材美而器不堅也。愚按是月也大飲烝十月農功畢天子諸

不當卽謂不能功致與淫巧

侯與其羣臣飲酒於大學以正齒位謂之大飲別之於  
他其禮亡今天子以燕禮羣國以鄉飲酒禮代之燕謂  
有牲體爲俎也。燕正職曰國索鬼神而祭祀則以禮屬  
民而飲酒于序以正齒位亦謂此時也。詩云十月滌場  
朋酒斯饗曰殺羔羊。躋彼公堂稱彼兕觥受福無疆是  
頌人也。飲之詩。愚按烝冬祭名也。祭畢大合羣臣而飲  
酒也。注羣國。天子乃祈來年于天宗。大割祠于公社及  
當爲郡國。門閭臘先祖五祀。此周禮所謂蜡祭也。天宗謂日月星  
田獵所得禽祭也。五祀門戶中雷竈行也。或言祈年或  
言大割。或言臘。互文。愚按門閭以上蜡也。以下臘也。  
臘與蜡同。勞農以休息之。齊召南曰此句應與上句  
月而異祭。相天子乃命將帥講武習射御角力。爲仲冬將大閱簡  
屬天子乃命將帥講武習射御角力。習之亦因營室主  
武士也。凡田之禮唯狩最。是月也乃命水虞漁師收水  
備夏小正曰十一月王狩。是月也乃命水虞漁師收水

泉池澤之賦毋或敢侵削眾庶兆民以為天子取怨于

下其有若此者行罪無赦

因盛德在水收其稅愚按收稅秦法非也

孟冬

行春令則東閉不密地氣上泄

寅之氣乘之也

民多流亡

象蟄蟲動

行夏令則國多暴風方冬不寒蟄蟲復出

巳之氣乘之也立夏巽用

事巽行秋令則雪霜不時

申之氣乘之也

小兵時起土地侵削

申陰氣尚微申宿直參伐參伐為兵

仲冬之月日在斗昏東辟中旦軫中

仲冬者日月會於星紀而斗建子之

也其日壬癸其帝顓頊其神玄冥其蟲介其音羽律中

黃鍾其數六其味鹹其臭朽其祀行祭先賢

黃鍾者律之始也九

寸仲冬氣至則黃鍾之律應周語曰黃鍾所以宣養六氣九德冰益壯地始坼鵠旦不

鳴虎始交

皆記時候也鵠旦求旦之鳥也交猶合也

天子居玄堂大廟乘玄

路駕鐵驪載玄旂衣黑衣服玄玉食黍與彘其器闕以

奄

玄堂大廟北室當大室

飭死事

飭軍士戰必有死志

命有司曰土事毋作

慎毋發蓋毋發室屋及起大眾以固而閉地氣沮泄是

謂發天地之房諸蟄則死民必疾疫又隨以喪命之曰

暢

而猶女也暢猶充也大陰用事尤重閉藏。案藝文類聚三卷引太公金匱曰夏桀之時以十月發

民鑿山穿陵通於河民諫曰孟冬鑿山穿陵是泄天氣發地之藏天子失道後必有敗桀殺之替年岑山崩爲

大澤湯率諸侯伐之

是月也命奄尹申宮令審門閭謹房室必重

閉奄尹主領奄豎之官也於周則為內宰掌治王之省

婦事毋得淫雖有貴戚近習母有不禁省婦事所以靜

功舍為怪好物也貴戚謂姑姊妹之屬乃命大會稊稻

必齊粢必時湛熾必潔水泉必香陶器必良火齊必

得取用六物大酋監之母有差貸酒熟曰酋大酋者酒

調也人稊稻必齊謂熟成也湛漬也熾炊也火齊腥熟之

漬米麴至春而為酒詩云十天子命有司祈祀四海大

川名源淵澤井泉順其德盛之時祭之是月也農有不

收藏積穀者馬牛畜獸有放佚者取之不詰此收斂尤

皇極經世一

三

有取者不罪所以警懼其主也王居明堂  
禮曰孟冬之月命農畢積聚繫收牛馬  
山林薮澤有

能取蔬食田獵禽獸者野虞教道之其有相侵奪者罪

之不赦務收斂野物也大澤曰是月也日短至陰陽爭

諸生蕩也蕩謂物動萌芽也君子齊戒處必掩身身欲

寧去聲色禁者慾安形性事欲靜以待陰陽之所定寧安

也聲謂樂也易及樂春秋說云冬至人主與羣臣從入能之士作樂五日此言去聲色又相違芸始生

荔挺出蚯蚓結麋角解水泉動又記時候也芸香草也

上行。案注以荔挺為名非也說文荔似蒲而小根可

為刺蔡邕高誘皆云荔以挺出是也顏氏家訓書證篇  
辨之曰短至則伐木取竹箭此其堅成是月也可以罷  
詳矣

官之無事去器之無用者

謂先時權所建作者也天地閉藏而萬物休可以去之

塗闕廷門闕築圉圉此以助天地之閉藏也

順時氣也仲冬

行夏令則其國乃旱

午之氣乘之也

氛霧冥冥

霜降之氣散相亂也。案注霜

降當作霜露

雷乃發聲

歲氣動也午屬震。愚按午似當為雷

行秋令則天時

雨汁瓜瓠不成

酉之氣乘之也酉宿值昴畢畢好雨雨汁者水雪雜下也子宿值虛危虛危內

有瓜瓠

國有大兵

兵亦酉之氣

行春令則蝗蟲為敗

當蟄者出卯之氣乘

之水泉咸竭

大火為旱。案咸呂覽作滅古咸滅通

民多疥癘

疥癘之病乎甲之象

季冬之月日在婺女昏婁中旦氏中

季冬者日月會於玄枵而斗建丑之

辰也

其日壬癸其帝顓頊其神玄冥其蟲介其音羽律中

大呂其數六其味鹹其臭朽其祀行祭先腎

大呂者養賓之所生

也三分益一律長八寸二百四十三分寸之百四季冬氣至則大呂之律應周語曰大呂助陽宣物鴈北

鄉鵲始巢雉雉乳

皆記時候也雉鳴也詩云雉之朝雉尚求其雌○愚按鴈之父母

也凡早至者鴈之父母晚至者其子也又按顏氏家訓文章篇引此注云雉鳴疑今本脫雉字也雉乳淮

南子時則訓作雉呼卯天子居玄堂右个乘玄路駕鐵

驪載玄旂衣服玄玉食黍與醢其器閤以奄

玄堂个

北堂命有司大難旁磔出土牛以送寒氣

此難難陰氣也難陰始於

此者陰氣右行此月之中日歷虛危虛危有墳墓四司之氣爲厲鬼將隨強陰出害人也旁磔於四方之門磔送猶畢也○愚按出薰出之於郊耳外陰也

征鳥鴈



疾

殺氣當極也征鳥題肩也齊人謂之擊征或名曰鷹仲春化為鳩

乃畢山川之祀及

帝之大臣天之神祇

四時之功成於冬孟月祭其宗至此可以祭其佐也帝之大臣句芒

之屬天之神祇司中司命風師雨師

是月也命漁師始漁天子親往乃嘗

魚先薦寢廟

天子必親往視漁明漁非常事重之也此時魚潔美

冰方盛水澤腹

堅命取水

腹厚也此月日在北陸冰堅厚之時也北陸謂虛也今月令無堅○陳注云腹猶內也○

案腹呂覽作復釋文云又作複蓋皆重累之義也

冰以入令告民出五種

冰既入而

令田官告民出五種明大寒氣過農事將起也

命農計耦耕事脩耒耜具田器

耜者耒之金也廣五寸田器鐵鉏之屬

命樂師大合吹而罷

歲將終與族人飲作樂

於大寢以綴恩也言罷者此用禮樂於族人最盛後年若時乃復然也凡用樂必有禮用禮則有不用樂者王

居明堂禮季冬命國爲酒以合三族君子說小人樂乃命四監收秩薪柴以共郊

廟及百祀之薪燎

四監主山林川澤之官也大者可析薪以給燎春秋傳曰其父析薪今月令無及百祀之薪燎

是月也日窮于次月窮于

紀星回于天數將幾終

言日月星辰運行於此月皆周而於故處也次舍也紀會也

歲且更始專而農民母有所使

而猶女也言專一女農民之心令之豫有志於

耕稼之事不可徭役徭役之則志散失業也

天子乃與公卿大夫共飭國典

論時令以待來歲之宜

飭國典者和六典之法也周禮以正月爲之建寅而縣之今月

此月則所因於夏殷也

乃命大史次諸侯之列賦之犧牲以共皇

天上帝社稷之饗

此所與諸侯共者也列國有大小也賦之犧牲大者出多小者出少饗獻

也乃命同姓之邦共寢廟之芻豢此所以與同姓共命

宰歷卿大夫至于庶民土田之數而賦犧牲以共山林

名川之祀此所與卿大夫庶民共者也歷猶次也卿大

少賦之愚按賦犧牲下凡在天下九州之民者無不

咸獻其力以共皇天上帝社稷寢廟山林名川之祀民

神之福不生雖有其邦季冬行秋令則白露蚤降介蟲

為妖戊之氣乘之也九月初尚有四鄙入保畏兵辟行

春令則胎天多傷辰之氣乘之也天少長也此月物甫

人多傷者生氣國多固疾生不充性命之曰逆大於此

行夏令則水潦敗國時雪不降冰凍消釋

未之氣乘之也季夏大雨

時行